

遂昌雜錄
澹生堂藏書約

元鄭元祐著
明祁承燾著

進步書局校印

遂昌雜錄提要

元鄭元祐撰父希遠徙錢塘元祐於至正間除平江路儒學教授遂流寓平江是錄仍顏曰遂昌示不忘本也書中多載元之名臣高士而宋之軼聞亦詳述靡遺蓋元祐生於元之中葉上猶及見宋之遺老耳至稱南宋和議由高宗不由秦檜可謂卓識不僅逢遭亂世多憂時感事之言也

遂昌雜錄

元鄭元祐明德著

高昌廉公諱希真字端甫由按察僉事累任廉使後以薊國公致仕公嘗出其兄平章公諱希憲像面白皙如滿月冠巾團領袍手執孟子公嘗言先兄禮賢下士如不及方為中書平章時江南劉整以尊官來見先兄毅然不命之坐劉去宋諸生襍褻冠衣袖詩請見先兄亟延入坐語稽經綸史飲食勞苦如平生歡既罷某等兄弟請於先兄曰劉整貴官也而兄簡薄之宋諸生寒士也而兄加禮殊厚某等不能無疑敢問公曰此非汝輩所知我國家大臣語默進退繫天下輕重劉整官雖貴背其國以叛者若夫宋諸生所謂朝不坐燕不與彼何罪而羈囚之況今國家起朔漠我於斯文不加厚則儒術由此衰熄矣公之卓識有若此哉

宛丘公嘗言為吏吳下時吳守則趙公諱全也吳方內附頑民時時陸梁其橫甚故犯法者擒至加捶撻候必叱令痛捶楚之雖死不貸若夫里正主首以徭役受捶者候必瞋目嗟嘆曰以微科受薄罰其何忍加重焉繼除杭州吳民泣送不忍舍之去時浙省以宗室大臣鎮之待憲臣如司屬槩可知而侯以剛正不少屈至擒其家

如初項以示衆久之不勝大臣之折辱也竟卒於杭時人擬以趙廣漢

宋道士鄧山房先生者綿州人也諱道樞以齋科精嚴際遇理度兩朝一日謝后遣
巨璫召至內後門泣降德音且令其謫軍令狀使無洩后謂昨夜夢濟王大怒以為
吾且將兵由獨松關滅汝社稷后特旨令鄧往南高峰頂為膳心章哀告上帝已而
黃頭先鋒斬關吏而入宋亡鄧攝室吳下曰會通觀時浙西按察司治吳下按察
使關公子靜雷公苦齋胡公紫山徐公子方等皆與鄧相過從一日質諸鄧宋士大
夫較之今日其所守何如鄧固辭不敢答諸公苦強之鄧曰此事不難見宋養士大
夫厚其廉隅可以守較之今則相去遠矣鄧高士歿後五十年西臺中丞曹公士開
訪元祐於吳下祐僦屋湫隘時方暑中丞攜小斂酒以相餉遂往會通觀觀道士吳溪
西者跛一足能學其師彈烏夜啼曲鼓琴未竟而郭公子昭曹公克明亦皆有所攜
而來吳遂出三四巨軸皆向時按察諸公與其師倡和詩也其間一卷則關公子靖
詩詩小序有謂昨日一謳者新到城當攜爇煮牛脾與謳者同往與尊師飲酒聽歌
玉藥花下中丞歎息謂曹郭二公曰今日憲司官敢若是乎於以見國初文網雖甚
疎而上下樂易不難治今日無相反而治道益不如昔可勝嘆哉

宋亡故官并中貴往往為道士。若杭省馬院張太尉其一也。其人長身廣額。宋為入內都知太尉。國家以其內侍。拘入朝。遂傾家贖上下。得以其子代。如李丞相羅司徒皆是也。羅李既貴。悉顯其親族。而張獨畏顧不敢奏。僅撥平江田三十頃贍之。得田後其父固已優裕無他望。一日仁廟顧謂張曰。汝有父母在乎。張跪拜答曰。母已亡。獨父在。為道人。上曰。封贈慶典。曾及之乎。張曰。老父既寄迹方外。不敢覲望。後福上愀然不樂。召中書省臣。以為張哥在朝久矣。而慶典不及其父母。即命以其子爵秩貴之。其父在杭。固不知。而是日頸痛重。若為物所壓。日重一日。而仁廟所以貴之。詞臣代言以降制。制贈金紫光祿大夫大司徒上柱國徽政院使典謁卿閩國公。賜王帶金帶鈔物等。又降特旨。江浙省臣浙西憲臣皆將旨。讌犒於其家。比使臣至。其父頸痛重殆不勝。使臣即卧內宣恩。其父嘗不知極品之貴。使臣舉王帶親之。始驚。爾謂其所親者曰。宋得賜玉帶者兩人。福王費平章爾然二人皆不及佩服。舉手一撫。厚遂卒。嗚呼。顯宦貴祿信有命。彼不知而妄求者。可以為戒也夫。

師其姓者。杭人家居拱北樓之西。其家營利非一端。而打銀其一也。暗門外慧光庵尼無著者。張循王九世女孫也。以陋故不嫁。而挾嫁貲。故優裕。師一日訪無著。延師

於飯飯竟出一銀香合重二十兩塵土蒙塗如漆黑無著誨師令其打二十哲那
環師持合至家剪開乃赤金也復覆合扣無著以香合金合也銀合耶無著笑曰銀
合耳師以剪開合示之始知其為赤金若師者營利者也設心若此謂之無好人可
乎

余年三十許時識一老僧於吳江洲渚上老僧台人也時已年七十餘為余言伯顏
丞相先鋒兵至吳是日大寒天雨雪老僧者時為承天寺行童兵森列寺前住山老
僧某令其覘兵勢且將自剎無汚他人手行童震懷遠望有以銀椅中坐者以手招
行童行童莫敢前且令軍士趣召之將至戒以無恐既至召令前問住山某和尚安
否西廊下某首座安否行童大驚且戒令先往首座房致意首座僧大驚而銀椅中
坐者已至房作禮笑問曰首座如何忘却耶某固昔時知命子寺前賣卜者也嘗宿
上房踰半年已而偕至方丈拜主僧主僧錯認謾不省扣之乃言曰我尤宣撫也今
日尚何言即命大鍋煮粥啗兵人令兵人持招安榜而令行童以吳語誦勝文曉諭
百姓於此始知尤公探諜江南凡八年至以龍虎山張天師符錄取驗於世祖皇帝

云

尤公久於江南探謁南士人品高下皆悉知之。時江淮省改江浙省。自維揚遷錢塘。尤公因陞平章。郡有天慶觀。即今玄妙觀。杭高士褚雪巖先生諱師秀。自宋以清苦節行聞。一日尤公單騎從一童至天慶。方丈觀主王管轄者尚不知為平章。尤公乃自言。觀主大驚。尤公曰。我欲一拜褚高士耳。觀主謂其人孤僻。士宰相何取而欲見之。尤公意猶堅。觀主扣房門。高士方讀書。聞扣戶聲。問為誰。觀主以姓名對。高士曰。主首不游廊。管轄何為至此。觀主以山門急切事語之。乃啟戶。觀主言平章請見。高士拒之曰。某自來不識時貴人。而平章顧已拜於地。意欲高士延坐其室。即鎖戶偕行廊廡間。平章卑抑敬之愈甚。至雲堂前。語平章曰。三年前有閬州王高士常留此。某則非其人也。因長揖竟出。尤公顧瞻嗟咨曰。是真一世之高士。公每出見杭士女出遊。仍故都遺風。前後雜沓。公必停輿或駐馬戒飭之曰。汝輩尚膏粱睡耶。今日非南朝矣。勤儉力作。尚慮不能供繇役。而猶若是惰游乎。是時三學諸生困甚。公出必擁遏。叫呼曰。平章今日餓殺秀才也。從者叱之。公必使之前。以大囊貯中。統小鈔探囊撮與之。公遂建言以學校養士。從公始。

杭西北羊角埂。埂上全真小庵。士人羅蓬頭者。非痴非狂。冬衣惟一衲衣。居庵一室。

中無坐卧具。惟晝夜蹲地上。穢垢殊甚。而往往能前知。一張其姓者。故宋王表司宋亡。依道館。嘗舒手而羅問吉。羅書狗災二字。張問應在幾時。書百日内。張持齋誦道經。日禱於神明。冀免難。一日見牝牡狗。以荇掃擊之。竟為狗所傷而死。聞人馬都錄者。號靜齋。以道法際遇度宗。賈平章以海味進。謝后令啗之。泄瀉不止。馬進符水飲之。而愈。后召馬賜與之。馬驕慙。因謝恩。自致其言曰。臣上告佛佛。繼今他人進飲食。不可造次供御。言出口。而賈願已知之。甫出禁門。即下臨安府獄。面刺雙旗。押付鄧都寨。日具存亡。時以江上事危。出師有日。以故寨兵寬之。得不死。復於寨村落間禱雨。有驗。未幾宋亡。崔中丞奉旨訪好人。薦馬於世皇。道法復有驗。宣授浙西都道錄。提點西太乙宮。恩賞殊優渥。一日大雪。訪羅於全真庵。問未來休徵。羅書賀字。復書正字。近之。但曰。問知堂。知堂者。率意曲解。既而明年正月。宣州賀雷巖。羅書宣命。截替馬前職云。雪晴道凍。鹽運司一卒張某。問羅未來事。筆硯皆凍。不可書。卒怒。捽蓬頭。知堂勸止之。烘筆硯為書。千二錢。卒大哭。以為我此行勾四場鹽官。所望數百緡。而僅書若此。已而卒出門。道狹冰凍。一蒼頭擔酒四缶來。卒撞之。酒墜地。蒼頭看持卒哭。曰。我方千二錢買酒來。須償我。乃得去。卒償鈔竟。入門謝羅曰。吾仙信有先見哉。凡

逐利市人問休咎其人將稱意必書其手曰鈔好仍乞鈔買酒肉啗已並眾人否則搖手終不為一書後將死大笑拍手歌唱立地卒羅蓋仙者惜其事遺落故所聞止此宋僧溫日觀居葛嶺瑪瑙寺人但知其畫葡萄不知其善書也今世傳葡萄多假其真者枝葉鬚根皆草書法也酷嗜酒楊總統以名酒啗之終不一濡唇見輒忿詈曰掘墳賊掘墳賊惟鮮于伯機父愛之溫時至其家袖瓜啗其大龜抱軒前支離叟或歌或笑每索湯浴鮮于公必躬為進澡豆其法中所謂散聖者其人也支離叟即伯機家所種松也宋巨璫李太尉者宋亡為道士號梅溪元祐童時嘗侍其游故內指點歷歷如在獨記其過葫蘆井揮涕曰是蓋宋時先朝位上釘金字大牌曰皇帝過此罰金百兩宋家法之嚴如此他則童騷不能記憶也

宋京畿各郡門有激賞庫郡有慈幼局遇盜發郡守開庫募士故盜不旋踵擒獲貧家子多輒厭之故不育乃許其抱至局書生年月日時局有乳媪鞠育之他人家或無子女却來取於局歲祿子女多入慈幼局故道無拋棄子女信乎其恩澤之周也積雨雪亦有鈔雖小惠然無甚貧者亦此之由

故老言賈相當國時內後門火飛報已至葛嶺賈曰火近太廟乃來報言竟後至者

曰火已近太廟。賈乘兩人小肩輿。四力士以槌劍護轎。里許即易轎人。倏忽至太廟。臨安府已為具賞犒。數勇士陞轎離地五六尺。前樹皂纛。列箭手皆立具於呼吸間。賈下令肅然。不過曰火到太廟。斬殿帥。令甫下。火沿太廟八風兩殿前。卒肩一卒飛上。斬八風板。落火即止。驗姓名。轉十官。就給金銀賞與。賈才局若此類。亦可喜。傳景文云。

宋太學生東嘉林景曦。字霽山。當時楊總統發掘諸陵寢者。林故為杭丐者。背竹籬。手持竹夾。遇物即以夾投籬中。林鑄銀作兩許小牌百十繫腰間。賄西番僧曰。餘不敢望收其骨。得高宗孝宗骨斯足矣。番僧左右之。果得高孝兩廟骨。為兩函貯之。歸葬於東嘉。其詩有夢中作十首。其一絕曰。一坏未築珠宮土。雙匣親傳竺國經。只有春風如此意。年年杜宇哭冬青。又曰。空山急雨洗岩花。金粟堆寒起暮鴉。水到蘭亭更哽咽。不知真帖落誰家。又曰。橋山弓鐵未成灰。玉匣珠襦一夜開。猶記去年寒食日。天家一騎捧香來。七首尤悽然。則忘之。墓後林於宋常朝殿前。掘冬青樹一株。植於兩函土堆上。又有冬青花一首曰。冬青花。冬青花。花時一日腸九折。隔江風雨清影空。五月深山落微雪。移來此種非人間。曾識萬年觴底月。後忘之。又一首有曰。君

不見羊之年馬之月。霹靂一聲。山石裂。聞其事甚異。不欲書。若林齊山者。其亦可謂義士也。

宛丘公護其先府君觀歸葬時。一舟載靈櫬。宛丘公守櫬舟中。一舟載家累。子期與其母夫人在焉。舟過金山。舟人以便風。大繩維兩舟並行。子期將過宛丘公船。失脚踏。江水公震慄。重賞令救。比却帆停舟。須良久。而子期若有人捧出水面者。終不沒。今登政府。豈偶然云。

義興兵君仲遠。家唐門。其上世本田家。至仲遠所生父與其肆。皆送京學。上舍家。貴產非過厚。而能折節下士。賓客至如歸家焉。故南北士大夫無不至其家者。南士若年識前。蔣泰軒。蔣竹軒。姚子敬。羅壺秋。其顯者若趙文敏公。至與之婚姻。當世貴官如高房山。康瑞甫。國公。李息齋學士。其從兄李信菴。處士。鮮于伯機。經歷仲遠。皆傾心與之。突然自至。治已後。郡縣振牧。羊家事日不如。後為漢陽縣尹。坐掠死。非辜。遭降。鬱鬱而沒。仲遠昆季凡十三人。皆陵替不振。回首未二十年。宜興諸富家亦相次淪落。是皆廢興雖有命。然為官司所陵。剝雖積銅為山。尚不給。況齊民乎。

金華三胡先生。長誠仲。次穆仲。次沒仲。石塘人也。最知名。誠仲子無咎已歿。穆仲子

孔章。今為吳郡經師。汲仲子千里。家建昌石塘先生。以在中丞薦世祖。願問所答。不稱旨。出為揚州路儒學教授。師道甚嚴。繼除建昌教權錄事司。程雪樓學士家遺漏。先生捕其子。坐罪不貸。由是人憚之。後除台州臨海簿。愛縣民如子。上司誅求。身當之。素客於杭。居貧甚。以古文倡。人求記碣序贊。稍不順理。雖百金不作也。後以室人長居喪如禮。然所居湫隘甚。遷居青蓮寺。講道寺中。性矯亢。當時斯文顯者。郤已西廡。使故毀辱之。由是益下遷。後為鹽場司丞。就養建昌。浙省以是年秋試。屈先生為試官。後來青蓮寺。歿寺中。歿時當嚴冬。尚未挾纊。是日元祐往候之。項可立煮三建湯飲之。猶力疾答揚州盛恕齋語次。又訓飭學者。以自樹立。氣益索。扶之上卧櫺。即跣坐逝。比驗顏貌如生時。歿後天台周本心。時為浙省掾。率直徒私。謚修道先生。於引還建昌。省憲官皆執紼以送。今三十年矣。先輩淪落。如先生抗直不撓。以斯文自任者。絕無之。穆仲先生純德古君子。經學尤粹深。有三書辨尚書或問。行於世。今中奉大夫浙東元帥白堊秦不華君。由越守召入為祕書郎。未幾母夫人歿於越。白堊君還越。持喪戒珠寺。朝夕臨屏。血不脫經帶。家人欲一見其面。不可得也。既畢葬服闋。乃始復初。近世禮俗壞。如君者蓋甚寡。今以海冠道誅。留斗城未返。令人念

之不忘

杭人王溪月諱壽衍字眉叟少年為道士便際遇晉邨其所交皆公卿大夫後以弘文輔道釋德真人管領開元宮江浙省都事劉君諱致字時中海內名士也晚年尤清勁既卒貧無以葬王真人者躬至其家弔哭甚哀周其遺孤舉其喪葬之德清縣某鄉之原與其壽穴相近春秋拜掃若師友然異教中若溪月者蓋可尚與

梁溪王文友諱仁輔克苦讀書里人倪文光諱昭奎者延之以教其兩弟曰子瑛曰元鎮居久之文光歿而子瑛駭元鎮出應門戶不勝州郡之殷剝也資力遂耗滅已而子瑛卒家中乾元鎮創無作有以濟朋友會文友卒元鎮買油杉棺葬之芙蓉峰傍葬之日梁溪士友皆至葬文友後元鎮窘於謀求顧未有能振之者

閩人鄭所南先生諱思肖宋有國時其上世仕於吳宋亡遂客吳下聞其有田數十畝寄之城南報國寺以田歲入寺為祠其祖祠遇諱日必大慟祠下而先生並館穀於寺焉先生自宋亡矢不與北人交接於朋友坐間見語言異者輒引起人知其孤僻故亦不以為異其上世本業儒者也而先生於佛老兩教則皆喜其說有祭鬼法平日喜畫蘭疎花閒葉不求甚工其所自賦詩以題蘭皆險異詭特蓋所以輸寫憤

德云。吳人好事者為板刊其所謂錦錢集者行於世。若先生在周為頑。而在殷為義士。蓋不易窺其涯涘云。

謝阜文先生諱錫。自號貽髮處士。讀書博學。宋季以古文知名。

鄧中齋先生諱剡。字光薦。宋丞相信國公客也。宋亡。以義行著。其所賦鵲鵲有曰。行不得也哥哥。瘦妻弱子羸將駝。天長地闊多網羅。南音漸少北音多。肉飛不起。可奈何。行不得也哥哥。其意可見。其所贊文丞相像有曰。日煌煌兮。流星曉寒。氣英英兮。晴雷殷山。頭碎柱兮。壁完血。化碧兮。心丹。嗚呼。孰謂斯人不在世間。

鄧牧心。葉本山。兩先生皆高節士。宋亡。深隱大滌山。鄧先生於古文尤精。曩不苟作。承其學者。杭人李坦之諱道坦。坦之詩亦工。然傷於巧云。

龍虎山張一無字善文。其先在宋。嘗縵家也。四世皆以其資讓。故其家有讓堂。至一無始入龍虎山為道士。在道派張開府幾世孫也。雖已為道士。酷喜禪學。於是入天台。山禮普應國師。咨稟參決。志堅甚。眾中道衣壇簡不訪也。道家者流。以其術應承。尚方與俗蓋無別。而一無獨持齋素行克苦。以故其徒憎之。先是杭城開國師道場。隨處有全齋者。亦多留一無。而吳太宗師每念一無志高潔。為奏文德先生降鑒書以

護之留一無住京師會吳宗師老病繼掌其教者惡一無痛凌辱之一無懼甚遂以病卒京師

兩浙鹽運使瞿琴軒諱霆發下沙人內附後以貲雄為提舉游大滌山山中人亦富贍瞿至日開宴張樂瞿一不少答踰數日索轎登天目使厚觀飯寺僧時高峰妙禪師坐死關須鹿盧輓籃輿乃得上下瞿入死關故師語之云為遊山觀水來為生死大事來瞿但泣涕曰弟子不會師擲竹筴云不探虎穴安得虎子瞿欲捐田寺中挾寺僧一人還下沙以田若干項歸之歸之日僧以田券呈師師大怒叱令速還瞿語之曰平常山中無田苦苦也過了今日欲得田造業耶僧至下沙以券還瞿瞿曰僧輩可謂無識此等細事何必令老僧知後為天目山建大覺師子院久之瞿老病盡遣其婢妾以資分與諸子女戒勿來見我日與道者一人煮粥飲之脩然而卒若瞿者可謂異乎常人者矣

貴溪祝蕃遠先生諱蕃里人陳靜明先生於朱陸兩先生全異處研究得其指歸蕃遠從當屬精勇銳不徇世習以守師說蓋嘗以鄉舉上京邑見黜於會試以官至彬州路經歷郡獄有冤蕃遠直之而當坐監郡部使者不謂蕃遠直以憤鬱卒於郡士

論惜之

江右杜君諱本字原父號青碧先生苦志於學經史多手寫成集沈默寡言笑嘗一再遊京師王公貴人多樂與之交已得武夷詹君景仁由三公掾授浙東憲府照磨延先生南入武夷且買房置田為久遠計已而朝廷修三史蒙古色目漢人南人各舉一處士君以南人處士徵授翰林待制奉訓大夫出至錢塘以病歸其歿於至正十年秋八月道遠不能平令人感念云

江浙儒學提舉柯山齋諱口自牧嘗訪胡穆仲口先生時天大寒日出已久而胡先生尚未起柯曰何為先生曰天寒未挾纊故高卧耳於是柯往宗陽宮語杜南谷尊師曰胡穆仲苦寒無綿襖尚僵卧在家杜即惻然攜十兩絮兩線緇往遺之先生堅拒不肯受杜強之而先生怒已而寒解柯問先生曰何為不受先生笑曰杜名道堅嘗云某為談朋炒也要教他知得亦有不炒他的夫杜異教能賢而先生清節若是要皆難得云柯之子字敬仲諱九思際遇文廟官至儒林郎奎章閣鑒書博士卒於吳謝后既北遷其支裔在杭者固多謝君退樂一人也退樂嘗言江南始內附有所謂李信卿者自北來謂其能相人能望氣崖岸倨甚退樂以貴官咸敬之亦設早饌以

延致之。李至即中坐。省幕官皆下坐。不得其一言。以及人禍福。時趙文敏公謂之七司戶。固退樂姻戚也。屈公來同飯。時文敏風瘡滿面。李遙見。即起迎。文敏謂衆人曰。我過江。僅見此人耳。瘡愈。即面君。公輩記取。異時官至一品。名滿四海。李之術亦精矣。襄陽未破時。世祖令其即軍中望氣。行踰三兩舍。即還。言於世祖曰。臣見卒伍中。往往有公輔貴人。襄陽不破。江南不平。何處着許多富貴人。嗚呼。此與南衙士卒皆將相者何異哉。

宋李琴士汪水雲者。工於詩。詩皆清麗可喜。杭城未破。其詩有曰。西塞山邊日落處。北關門外雨來天。南人墮淚北人笑。臣甫低頭拜杜鵑。又曰。錢塘江上雨初乾。風入端門陣陣酸。萬馬亂嘶臨警蹕。三宮灑淚濕鈴鸞。童兒牘遣追徐福。屬鬼終當滅賀蘭。若說和親能活國。嬋娟刺遣嫁呼韓。題王尊像有曰。秦淮浪白蔣山青。西望神州草木腥。江左夷吾甘半壁。只緣無淚灑新亭。聞水雲後從謝后北遷。老宮人能詩者。皆水雲指教。或謂瀛國公喜賦詩。亦水雲教之。

今嘉議大夫吏部尚書致仕許昌馮公。名夢弼。字士啓。其始仕由八蕃雲南宣慰司吏。繼辟掾湖廣省。士啓嘗言其在八蕃時。乘驛出向某所。最後至一驛。驛吏語以今